



مشیتِ جلیلہٗ اسلامیہ نمکِ جریدہٗ رسیہ سیدر
صفر ۱۳۳۴ [*]

عدد: ۲۰

آیدہ بر نشرِ اولنور

ایکونجی سنہ

اوقاف نظارت جلیله سی تبلیغات عمومی سی

« مسکوکات اجنبیه نك وقولبی و لهملی و دلیك لیرالرك تعیین و اشعار اولنان فیئات اوزرندن قبولی حقنده »
 « مالیه نظارت جلیله سنك معاملات نقدیه قلمی افاده سیلله وارد اولان ۲۳ اغستوس سنه »
 « ۳۳۱ تاریخی و ۶۸۲۵ نومرولو تذکره سی صورتیدر »

هرنه صورتله اولورسه اولسون بر مقصد حیلہ کارانه یه بناء آلتونی چالمنش اولمایوبده
 زینت مقامنده قوللائلق اوزره قولب ویا ایکنه طاقلمش ، وزنه خلل کلکسزین دلمش
 اولان قولبی ، لهملی وده لیک لیرالرك یوز غروش حسابیه و اقسام واضعافنك ده مال
 صندوقلرنجه و دوائر رسمیه و مؤسسات وزنه لرنجه بو حساب اوزرندن قبول ایدیلهرک
 عین فیئاتله مسکوکات اداره سنه ارسالی بر نسخه سی مقدما نظارت جلیله لرینه ارسال
 قلنمش اولان ۹ تموز سنه ۳۲۹ تاریخی و ۸۹ نومرولو تحریرات عمومی اقتضاسندن
 بولندیغی حالده نظارت جلیله لری وزنه سندن مسکوکات اداره سنه کوندرلمکده اولان
 قولبی بشی بریرده لیرالرك طشره اوقاف اداره لرنجه تام لیرالر کبی بش یوز اون اوچ
 غروشه بالقبول دفترلرده اوصورتله کچیرلدیکندن بحث ایله بونلرک ضربخانه جه درهم
 حسابیه مبیاعه سی تکلیفنده بولنلمقده اولدیغی آکلاشلش و تکلیف واقع خزینه جه اتخاذ
 و تبلیغ اولنان قراره مخالف اولدیغی کبی اولبابده کی قانون مخصوصه ده مغایر بولنمشدر .
 بالعموم مال صندوقلریله دوائر و مؤسسات رسمیه وزنه لرنجه مسکوکات عثمانیه دن ماعدا
 اجنبی مسکوکاتنک وهرنه صورتله اولورسه اولسون مسکوکیتنه خلل کلش پاره لیرک
 قبولی غیر جائزدر . شو قدرکه اهالی یه بر سهولت مخصوصه اولق اوزره خزینه جه
 تعیین ایدیلن فیئات موجبجه لزوم کوریلن بعض محللر ایچون مسکوکات اجنبیه نك
 وبالعموم مال صندوقلریله دوائر و مؤسسات رسمیه وزنه لرنجه ده وزنه خلل کلماش
 اولان قولبی ، لهملی وده لیک عثمانلی لیرالرنک مجیدیه اون طقوز غروش حسابیه یوز
 غروشه قبولنه مآذونیت ویرلمش ایسه ده مآذونیت واقعه مسکوکات مبحوئه نك قبول
 ایدلکلری فیئات اوزرندن خزینه یه ارسال ویا ضربخانه یه تودیع ایدلمسیه مشروطدر
 بو صورتله ضربخانه یه ورود ایدوب تجدیداً ضرب ایدیلهرک اولان مسکوکات مزبورده نك
 ضربندن صوکره قبول فیئاتلرینه نظراً حصوله کله بیله جک فرقلر سیلک مسکوکاتنک
 اصلاحنه مخصوص اولان احتیاط سرمایه سنه علاوه ایدیلهرکی حقنده تنظیم ایدیلوب
 ۳۳۶ نومرولو تحریرات عمومی یه مربوطاً نظارت جلیله لرینه ده ارسال قلنمش اولان
 قانون موقت لایحه سی مجلس عمومیجه قبول و تصدیق ایدلمش اولدیغندن نظارت جلیله لری

وزنه و دوائر نجه مسكوكات اجنيه نك وقولبلې ولهملى وده ليك ليرالرك خزينه جه تعين
واسعار قلنان فيئات اوزرندن قبولى وبراى اذابه ضربخانه يه حين تسليمندده بدلاتنك
اوفيئات موجب نجه اخذى لزومنك ايجاب ايدنلره تبليغ بيورلمسى بابنده

خزينة اوقاف وزنه و دوائر نجه ده مسكوكات اجنيه نك وقولبلې ولهملى وده ليك
ليرالرك تعين واسعار اولنان فيئات اوزرندن قبولى حقنده بعض افادات ومقرراتى حاوى
ماليه نظارت جليله سنك تذكره مى صورتى بالا يه اخراج اولمغله مندرجاته كوره معامله
ايفاسى لزومى دوائر وقفيه يه امر و تبليغ بيورلمقه برابر لفا ارسال قلنان نسخه لردن
يرر عددنك ده ماحقات ادارات وقفيه سنه توزيع واسراسى حقنده كى مقتضياتك ايفا
بيورلمسى متمنادر .

۲۵ ذى الحجه سنه ۱۳۳۳ و ۲۱ تشرين اول سنه ۱۳۳۱

* *

« خدمات بدنيه ايچون ولايات والويه غير ملحقه اوقاف مديروم امورلى طرفندن اصحاب وظائفه ويريله جك »
« واثائق قيدينه مخصوص اساس ووقوعات دفترلرينك كوندردليكنه دائر »

توجيه جهات نظامنامه جديدى موجب نجه طوغريدن طوغرى يه لوا نامنه وثيقه
رسميه مى ويريله جك جهاتك قديماً قيود وقفيه قلمنجه اولان قيدلىرى حال سابقى
محافظة ايدوب يكيدن اجرا قلنان توجيه معاملاتدن خبردار اولنه مامسى بالا آخره قيد
اساسينك منتظر اولان انتظامنى اخلاص ايدى جكي وبوكي واثائق رسميه ايله توجيهى اجرا
اولنان جهاتك صورت قيد وتسجيلنه مخصوص بر دفتر اولمديغندن مرور زمان ايله بر طاقم
مشكلاتى بادي اوله جنى بيانيله محللرى اوقاف اداره لر نجه ويرلمسى لازم كن جهاته عائد
و اثائق رسميه نك اعطاسندن مقدم نظارته معلومات اعطا اولنه رق معامله قيديه سنك
اكملندن صوكره مى اعطا اولنه جنى جانك اوقاف مأمورلغندن استفسار اولمش وبوبابده
قيود وقفيه اداره سندن « من القديم مقيد بولنان جهاتك اجراى توجيهاتنده موجه لهلىرى
تامنه تسويه قيدلىرى اجرا قلمنقه اولوب طشره اوقاف اداره لر نجه وثيقه اعطاسنه
تظاماً مآذونيت ويريلان جهات ايسه يالكز خدمات بدنيه يه منحصر بولمسنه بناء جهات
بدنيه يه متعلق واثائق رسميه ايچون منتظم برر دفتر طوتلمسى وشايد جهات مذكوره
متصرف سابقلرينك اسملريله شرائط وقفيله رينك بيلنمسنه لزوم كورلديكى تقديرده
وثيقه اعطاسندن اول استيضاح اولنه رق آلنه جق معلوماته كوره معامله ايفاسى » بولنده

در میان ایدیلن مطالعه موافق حال و مصلحت کورلدیکندن اولوجهله معامله اولمسنك اوقاف مدیر لکریله مأمور لقرینه تعمیماً تبلیغی شورای اوقافدن افاده قلمش وبوصورت نظارتجهده موافق حال و مصلحت کوریلهرک ولایت اوقاف مدیر لکریله الویه غیر ملحقه مأمور لقرنجه طوتیله جق دفتر لک قیود وقفیه اداره سنجه طوتلمقده اولان دفتر لره موافق اولمسنی وبو وجهله معاملات قیودییه نك طرز واحده جریانی تأمین ایچون موجود دفتر لردن بری اساس و دیگری وقوعاته عائد اولمق اوزره ایکی عددی پوسته خانه یه تودیعاً ارسال قلمش اولمقله داخل . . . ده اجرا ایدیلهرجک توجیهاتک مرکزده بولندیریلهر جق اولان اشبو دفتر لره قیدیله صور محرره دائره سنده معامله ایفاسی وقیوداتک دائره انتظامده جریان ایتدیرلمسنه اعتنا اولمسنی لزومی بیان وتوصیه اولنور.

۱۹ محرم سنه ۱۳۳۴ و ۱۴ تشرین ثانی سنه ۱۳۳۱

*
* *

« جوامع و مساجد خدمه سنه غله وتولیتی مشروط اوقافک مسققات فراغ وانتقالات حاصلاتی حقنده »

شورای اوقافک ۲۵ مارت سنه ۱۳۳۱ تاریخ و ۳۱۴ نومرولی قرارنامه سنك صورتیدر:

جوامع و مساجد شریفه خدمه سنه غله وتولیتی مشروط اوقافک مسققاتندن فراغ وانتقال وقوعنده نظامی دائره سنده تفریق ایدیلان حصه تولیت ایله اجارات مؤجله لری یدلرنده براتلری موجود بولنان جهات احبابنه خیراتی کرک معمور اولسون و کرک اولماسون من القدیم اعطا ایدلمکده اولدینی کبی خیراتی خراب اولان خدمه مومی الیه مک معیشتری مخصص وظیفه لری نه منحصر اولدینی صورتده وظیفه لری قطع ایدیلیهرک قید حیات شرطیه اعطا وتسویه لری نه دوام ایدلمکده اولمسنه و کرچه خطلی محاسبهده بومثللو مسققاتی غلاتی کندیلرینه مخصص اولان خدمه نك مخصصات قدیمه لرنندن اجارات نسبتنده توقیفات اجرا ایدلمش ایسهده وظائف مذکوره احبابنك شمعی یه قدر وقوع بولان ضمائم متعدده دن مستفید اولدق لری دخی درکار بولمسنه نظراً بومثللو خیراتی موجود اولیان و جامع شریفی مندرس اولان و بناء علیه وقف ایله بر علاقه لری ووقفه هیچ بر

خدمتلىرى قالميان خدمە اوقاف ايله ائمه ومؤذنلره مشروط مسقفاتدن فراغ وانتقال وقوعنده توليت حصه لرياه اجاره لرينك تعاملی وجهله دوام اعطاسی موافق اولوب اولمیه جنى حقنده استيدانى متضمن استانبول اوقاف مديریتندن بالتقديم حواله بيوريلان ۱۶ مارت ۳۳۱ تاريخلى مذکره مطالعه اولندی. مصارف تعميره وظائف اوزرينه مقدم اولديغى و بناءً عليه وقفده تعميره احتياج وار ايکن موجود غله نك وظائفه صرفى غير جائز بولونديغى حالده خيراتى مشرف خراب ويا محو اولان وقفلىر خدامى مياننده امر تعیش واداره سی متصرف اولديغى جهت وظیفه سنه منحصر اولانلرک وظیفه لرينك اعطاسی خدمه حقنده بر لطف مخصوص اولمق اوزره اوقاف نظامنامه سنک يکرمى يدنجی بندينک فقره اخيره سيله تجويز اولمش وبويله على خلاف الاصول ثابت اولان شيئک سائر مقيس عليه اولمیه جنى قواعد کليه اقتضاسندن بولمش اولديغنه و امر اداره سی وظیفه سنه منحصر اولانلرک تهوين احتياجى مقصد حمايتکاري سيله متخذ بولنان شو وضع نظامينک شروط معينه سيله مقيد ومحدود اوله رق بر اقلمسی ده مصلحه ايجاب ايدم جکنه بناءً وظیفه ماهيتنده بولمیان حصه توليت واجاره مؤجله لرک شوحاله کوره مشروط لهلرينه دوام اعطاسنه محل اوليوب او قيل اوقاف حصه توليت واجاره مؤجله لرينک وقفلرينک اعمارى ضمنتده حفظ اولتمق اوزره رقبه ايدلمسی ايجاب ايدم جکی مطالعه قلنمش ايسه ده اجراى ايجابى منوط رأى عاليدر اولبايده .

شورای اوقافدن صادر اولوب نظارتجده بالتصويب صورتى بالايله اخراج اولنان قرار وجهله معامله ايفاسى خصوصنک مأمورين وقفیه امر وتبليغ بيورلمسی بابنده .

۲۰ محرم سنه ۱۳۳۴ و ۱۵ تشرين ثانى سنه ۱۳۳۱

« متوليرى معرفتيله واردات وقفیه سی جبايت ايدیلن اوقافک حرب ويرکوسى حقنده »

انقره مرکز سنجاغنه تابع بکپازارى قضاسى اوقاف مأمورلغنه ملحق ومستثنائا اوقاف متوليلرينک جبايت ايلدکلرى وارداتدن حرب ويرکوسى قانوننک بدایت تطبيقدن برى متوليلکردن حساب آلنه مدیغى جهتله مذکور ويرکونک توقيف ومال سندوغنه تسليم ايدلمديکى وعین حالک ولايتک ديکر بعض قضالرنده موجود اولديغى انقره ولايتى مالیه مفتشکلکندن وارد اولان تحريرات ايله ملفوفى اوراقک مطالعه سندن مستبان اولديغنک بيانيله وحرب ويرکوسنک خزينه اوقافه تعلق ايدن اقسامنک صورت

استیفاسی حقنده مأمورین وقفیه به تبلیغ قلنمش اولان ۳۰ آغستوس سنه ۳۲۸ تاریخلی و ۱۸۴۱/۵۴ نومرولو تحریرات عمومیه احکامنک بعض مأمورین وقفیه جه تنفیذ احکامنده تأخرات وقوعه کتیریلهرک حقوق خزینهنک استیفاسی تأخیراته اوغرادینی مفتشلکک اشعارندن آکلاشلقمده اولدیغندن بچله بو بابده ایجاب ایدنلره تبلیغات لازمه اجراسی خصوصی مالیه نظارتی وکالت جلیله سندن وارد اولان تذکره ده بیان واشعار اولمش و بو حالک دوامی نظارتجه ده تجویز اولنه میه جنی طبعی کورلمش اولمغله سالف الذکر تحریرات عمومیه احکامنک تمامیء تطبیقیله حرب ویرکوسنک منتظماً اخذ واستیفاسی اسبابنک استکمالنه مزید اعتنا اولنسی لزومنک اوقاف اداره سنه تبلیغی .

۲۰ محرم سنه ۱۳۳۴ و ۱۵ تشرین ثانی سنه ۱۳۳۱

*
* *

« ذماتک مأمورین لاحقه طرفندن بالتعقیب نتیجه لندیلمسی لزومنه دائر »

طشره شعبات وقفیه سنک کرک خزینه و دیوان محاسباتجه و کرک اوچوز یکر می یددی سنه سی ایچون تشکیل اولنوب اخیراً لغو ایدلمش اولان طشره تدقیق حساب قومیسینلرنجه ویا مافوق اوقاف اداره لرنجه تدقیق ایدیلن حساباتنده ذمت وایلیشک اولمق اوزره چیقاریلان مبالغ وخصوصات مأمورین ذماتنک تعقیبی حقنده کی دفتر معاونه ده تفصیلاً ثبت وارائه ایدلدیکی جهته بونلرک هر هانکی مأمور زمانه عائد اولورسه اولسون مأمور لاحق ایله مافوقی مأموریت و مدیرتیلر طرفندن بالتعقیب انتاجی لازمه دن اولدیغی حالده بو جهت تقدیر و کیفیتک ذات وزمان حساباتیه اولان علاقہ سی تعیین اولنمهرق مأمورین منفصله یه عائد بولنان اوقیل ذمات وایلیشکرک تعقیب ایدلما مکده اولدیغی مخابرات جاریه دن و خزینه جه طوبیلان قیودات مخصوصه سنده کی مقادیرینک تسویه سی حقنده بر تکلیف وطلب سبق ایتماسندن آکلاشلقمده و خزینه جه تدقیق ایدیلان حساباتنده چیقارلمش اولان ذمات وایلیشکرک تعقیب ذمت دفترینه قید اولنهرق لدی الایجاب آنجق بوقسم ذمتلر حقنده تعقیبات اجراسی طبعی بولنمقده ایسه ده مأمورین منفصله دن اکثری ده اولکی مأموریتلرینه عائد اولمق اوزره کندیلرینه چیقارلمش اولان ایلشکرکدن وقت وزمانیه خبردار ایدلما مش اولمیرندن و مافوقجه مخرج ذمات حقنده کی معاملاتک تعقیب ایدلما سندن دولایی بالا آخره جواز استخدام قراری استحصالنده مشکلاته

دوچار اولدقلری جهته خلفلرینک و مافوقنک لاقیدیسی یوزندن مأمورین مومی الیهیمک بو صورتله تمادیء مغدوریتلرینه میدان ویرلسی موافق شعار رفاقت اولدینی کی ذمات مذکور دنک عدم تعقیب یوزندن بالا آخره مرور زمانه اوغرامسی و یا خود تحصیلنک تمتع بر حاله کلسی ده ملحوظ اولوب بوجهت ده بالاده کوستریلان مسیبلری حقنده بالطبع موجب مسئولیت اوله جغندن بو کی حالات وقوعنه میدان قالماق اوزره شمدی یه قدر چیقارلمش و بعدما چیقاریله حق اولان ذمات و ایلشکرک مافوق مدیریت و یا مأموریتجه عائد اولدینی شعبه وقفیه مدیر و مأمورلرینه تعقیب ایتدیریلهرک صرف ذمت ماهیتنده کی مبالغک سرعت تحصیل حقنده کی ایجاباتک بروجه محرر محللرنجه ایفاسی اصول اتخاذ ایدلمش اولغله بو جهت نظر دفته آلنهرق و او قیل خصوصاتک هانکی مدیر و یا مأموره راجع ایسه طوغریدن طوغری یه کندیسیله مخبره اولنهرق بر آن اول انتاجی اسبابنک استکمالی و خزینه یه ده معلومات اعطاسی و علاقه دارانک مأمورین معزوله و یا متقاعدده دن اولدینی تقدیرده مأمورین قلمنجه تعقیب ایدلمک اوزره کیفیتک نظارته انباسی و عکسی صورتده و ذمات مبحوثنه نک مرور زمانه اوغراملسی حالنده کذلک ترتیب مسئولیت مقرر بولندینی تعمیماً بیان اولنور .

۲۲ ذی الحجه سنه ۱۳۳۳ و ۱۸ تشرین اول سنه ۱۳۳۱

*
* *

« ملحقات حساباتی توحیداً تنظیم ایدیلن حساب قطعی جدا اولندن برر صورت مصدقلرینک ارسالی لزومنه دائر »
اوچیز یکر می یدی و یکر می سکر سنه لری ذات و زمان حساباتنک حساب قطعیء عمومیسنک زمان تنظیمی حلول ایلکله اداره کزک اوچیز یکر می یدی سنه سی حساباتنک تدقیقات ابتدائیه سی بالایفا اعاده قلمسنه بناء شیمدی یه قدر قومیسون مخصوصنجه تدقیقات انتهائیه سی اجرا و ملحقات حساباتی ایله توجید ایدیلهرک بودجه یه متناظراً تنظیم قلنان حساب قطعی جدا ولی ایله معاً دیوان محاسبات ریاست علیه سنه سوق و اسرا قلندینی آزاده بیان بولندیغندن قومیسونجه مع ملحقات قبول ایدیلن سنه مرقومه ذات و زمان حساب قطعی جدا اولنک برر صورت مصدقلرینک و بونلرک دیوان محاسباتجه صورت قبول و تصدیقنده بر کونا تبدلات وقوعبولش ایسه بو جهتکده مقداراً انباسی و اولبایده متخذ اصول وجهله ملحقات حساباتی ایله بالتوحید دوغریدن دوغری یه ریاست مشارالیه یه تقدیم ایدلمک اوزره اعاده قلنان اوچیز یکر می سکر سنه سی

حساباتنك مقام حكومتدن ديوان محاسباته هانكى تاريخده تقديم وتسيار قلنديغنك تحقيق و اشعاريله برابر ملحقات حساباتنى توحيداً تنظيم قلنه رق بروجه محرر ديوان محاسبات برياستنه تقديم ايديلن واردات و صرفيات حساب قطعى جداولندن برر نسخه لرينك كذلك مصدق اولدينى حالده ايلك پوسته ايله ارسالى تعمياً بيان اولنور .

۷ صفرالخير سنه ۱۳۳۴ و ۲ كانون اول سنه ۱۳۳۱

*
* *

« اوقاف مضبوطه معيناتى ايله ويركوى سنويلرى ايچون مفردات وجهله حواله نامه طلب اولغويوب لزوم »
« حقيقى كوريلن مبلغ ايچون حواله نامه طلب اولغوسنه دائر »

اوقاف مضبوطه معيناتى ايله ويركوى سنويلرينك حواله نامه لرى شمدي يه قدر مفرداته استناد ايتديريله رك تنظيم اولتمقده ايسه ده معينات مصارفنك اسعاره تابع اولدينى جهتله هر سنه مقدارينك تخالف ايتسى طيعى و ويركولرك واردات غير صافيه اوزرينه طرح ايدلديكنه و ضايم و تنزيلاته تابع بولنديغنه كوره بونك ده ثابت بر مقدارده قالميه جنى يديهي كورلديكندن شو صورتله نظارتجه مفرداتنك تثبيت و ترقيمى امكان خارجنده بولندينى آكلاشلمقده بو اصولدن صرف نظر اولونديغندن من بعد بو ترتيبلردن حواله نامه يه لزوم حاصل اولدينى و ويرلمش اولان مخصصات محوله نك غير كافى بولندينى تقديرده مفردات وجهله اشعار اولغيه رق آنجق لزوم حقيقى كوريلن مبلغ ايچون اصول بوقانون دائره سنده صرف ايدلمك اوزره حواله نامه سنك طلب اولغوسى كافى اولديغندن صور محرره دائره سنده ايفاي معامله اولغوسى لزومنك تعمياً بيانه ابتدار قلندى .

۱۳ صفرالخير سنه ۱۳۳۴ و ۸ كانون اول سنه ۱۳۳۱

اخطار : ۲۷ تشرين ثانى ۳۳۱ تاريخ و ۶۲ نومرولو تلغرافنامه عمومى بالجمله و ۳ كانون اول منه تاريخ و ۶۴ نومرولو تلغرافنامه عمومى بعض ادارات وقفه يه يازلمشدر .

* *

« سنة حاله ده تحصيل اولغوج سابقه و حاله وارداتى صرفياتنك رديات ترتيبدن ايفاسى لازم كله جكنه دائر »

۸ اغستوس سنه ۳۳۱ تاريخلى و $\frac{۱۴۶۶۰}{۳۴}$ نومرولو تحريرات عموميه يه ذيلدر .

اجارات و مقاطعاتك صورت تحصيل و قيدي حقنده كى تحريرات عموميه نك ايكنجى حاده سنك فقرات اخيره سنده مندرج (تحصيلاتك اجرا ايدلديكى سنه يه كوره رديات و يا حاله يه انقلاب ايدن ديون ترتيبلردن اصولاً صرفى لازم كلور) عباره سنده كى و يا حاله يه

انقلاب ایدن دیون جمله سی آنحق سنین سابقه اموالک سنه عائده سنده تحصیل ایدلدیکی حالده سنه سی ظرفنده رد ایدلمیه رک سنه حالیه به دور ایدلمیه جک دیونی احتوا ایتکده اولمقله شو سببله تأدیاتده نقداً قارشولغنک تأمین و تحصیلی میعادى نظر دفته آله رق لازم الرد مبالغک قارشولغى سنه سابقه ده تحصیل و ایراد ایدلدیکی حالده حالیه به انقلاب ایدن دیون ترتیبندن تسویه سی و تحصیلاتده ایسه تحقیقات نظر اعتباره آله جنی جهته تحصیلات واقعنک تعلق ایتدیکى سنه لره کوره ایراد درج و ارائه سیله سال حالده اجرا ایدیلن تحصیلات هانکی سنه نك تحقیقاتنه معطوف اولور ایسه اولسون سنه جاریه ده اخذ و ایراد قید ایدلدیکندن استحصالات مماثلهدن لزوم تسویه سی تحقق ایده جک مبالغک عائد اولدیغى ردیات ترتیبندن صرفى لازم کله جکنک توضیحاً بیاننه مبادرت اولمقله کیفیتک بو صورتله مأمورین وقفیه به تبلیغی متمنادر .

۱۰۵ صفرا الحیر سنه ۱۳۳۴ و ۱۰ کانون اول سنه ۱۳۳۱

*

« موازنه وقفیه به عائد جدوللرک صورت ارسالى حقنده »

موازنه وقفیه نك تنظيم و ترتیبی ایچون طلب ایدیلان جداوله ربطاً کوندرلمکده اولان جدوللرده موقتاً تحت ضبط و اداره به اخذ ایدلدکلرندن بحثله بعضى اوقاف شریفه نك قطعياً ضبطى خصوصاتی تکلیف و انفا قلنه رق واردات و مصارفاتی ده جداول مزبوریه مزوجاً قید و املا قلنمقده در مارالیان جداولده کی معلوماتک نقصاننه بناء بو قبیل اوقافک کیفیت ضبطلرینی تأیید و توثیق ایتک اوزره بونلرک اساس اتخاذا غیر قابل کورولدیکی جهته جداول مزبوریه نك اسراسنی متضمن اولان محررات اوزرینه بر معامله یا پیله میهرق اوقاف شریفه مزبوریه نك ضبطى حقنده ایضاحات کافیه بی ناطق محررات یکنمکده اولدیغى حالده اخیراً اجرا ایدیلن تدقیقاته نظراً جداول مزبوریه ده مقید اوقافدن بعضیلرینک شمدى به قدر ضبطى معاملاتک انتاج ایتدیرلمدیکی آکلاشلمش و اسباب مختلفهدن دولایى اوقاف مضبوطه میاننه ادخاللری لازم کلان اوقافک بو صورتله طول مدت بودجه خارجنده موقتاً اداره لری موافق اوله میه جنی طبعی بولمیش اولمقله کیفیت ضبطلرینک بر آن اول تأیید و توثیقی و وظائف سائرهنک تثبیت و تخصیص رسمیه به اقترا نی ایچون اشبو اوقافدن قطعياً ضبطلری لازم کلنلرینک صوک سنه حاصلات و صرفیاتنه کوره واردات و مصارفات سنویه لری مقادیر و انواعی کونستر جدوللرک

اسباب ضبط حقنده اعطاسی اقتضا ایدن ایضاخاتی شامل محررات ایله کوندریله رک و بروجه محرر کوندریله جک محرراتدن هر برینک بر وقفک ضبطی ماده سنی متضمن اولسته دقت واعتنا اولنه رق اوقاف مبحوثه یه عائد واردات و صرفیاتک بودجه داخلنه اخذی اسبابنک استکمال قلنمنی لزومنک مأمورین وقفیه یه امر و تبلیغ بیورلسی .

۲۷ صقراخیر سنه ۱۳۳۴ و ۲۲ کانون اول سنه ۱۳۳۱

توجیهات علمیہ

حرمین محترمین پایه لولرندن و محکمه تمیز اعضاسندن حسن فهمی افندی یه ترفیعا استانبول پایه سی توجیه اولمشدر .

بو اراده سنیه نک اجرا سنه مقام مشیخت مأموردردر .

۶ صفر سنه ۱۳۳۴ ۱ کانون اول سنه ۱۳۳۱

محمد رشاد

شیخ الاسلام
خیری

★ ★

قنغال قضاسی قاضیسی محمد نوری افندی عزل ویرینه اپک نائب سابقی مصطفی شوکت افندی تعیین و سامرا قضاسی قاضیلکندن غرزان قضاسی قاضیلکته نقل اولنان عبدالوهاب افندی سامرا قضاسی قاضیلکنده ابقا اولمشدر .

بو اراده سنیه نک اجرا سنه مقام مشیخت مأموردردر .

۱۲ صفر سنه ۱۳۳۴ ۷ کانون اول سنه ۱۳۳۱

محمد رشاد

شیخ الاسلام
خیری

★ ★

اوانوس قضاسی قاضیلکته اینجه صو قضاسی قاضیسی اسماعیل فائز و اینجه صو قضاسی قاضیلکته میخالیججق قضاسی قاضیسی محمد نوری و آنک یرینه اوانوس قضاسی قاضیسی حسین حلمی افندیلر نقلا تعیین اولمشدر .